


Bibel fa Kjinja

brinjt junt

De Aunfank von de  
Menschen äa Trua



Jeschräwen von: Edward Hughes

Jemolt von: Byron Unger un Lazarus  
Alastair Paterson

Toom Pauss jestalt von: M. Maillot un Tammy S.

Äwasat von: Ed Zacharias

Hääjestalt von: Bible for Children  
[www.M1914.org](http://www.M1914.org)

©2020 Bible for Children, Inc.

Jesazlich: Du doascht dise Jeschicht oppnämen ooda drekjen,  
soo lang aus du dee nich vekjafst.



GOTT MUAK AULES! Gott muak  
dän ieeschten Mensch, Adam, un hee  
un siene Fru läwden em Goaden Eden.

See jehorchten Gott un wieren  
gaunsungoa jlekjlich,  
bat een Dach ...





"Haft Gott  
werkjlich jesajcht,  
daut jie von irjent  
een Boom nich äten

sellen?" säd de Schlang to Eva. Un see  
säd to de Schlang: "Wie derwen von aule  
Frucht von de Beem em Goaden äten  
buta eenen Boom. Wan  
wie von de Frucht äten  
ooda dee aunschieren,  
woa wie stoawen."



De Schlang säd  
to de Fru, "Jie  
woaren goanich  
stoawen." "Jie  
woaren soo aus Gott  
sennen," säd de  
Schlang. Eva jankad de  
Frucht von dän Boom.  
See horcht no de  
Schlang, un eet de  
Frucht.

Aus Eva onjehuarsom wia to  
Gott, brocht see Adam, daut  
dee uk eet. Adam haud sult  
'Nä' sajen, daut hee Gott nich  
onjehuarsom wudd sennen.





Aus Adam un Eva jesindicht hauden,  
wisten see beid daut see noaktich wieren. See  
bedakjten sikj met Bläda von een Fiejenboom  
un vestuaken sikj von Gott en eenen Bosch.



Em Owent aus daut kjeel wort kjeem Gott em Goaden. Hee wist waut Adam un Eva jedonen hauden. Adam jeef Eva de Schult. Eva jeef de Schlang de Schult. Gott säd, "Doa woat een Fluch oppe Schlang bliewen. De Fru woat Weedoag haben wan see Kjinjahhaft." To Adam säd Gott, "Wiels du jesindicht hast, woat doa een Fluch oppe Ieed sennen, soo daut doa Distlen un Spekjasch waussen woaren.

Du woascht oabeiden un schweeten daut jie to äten haben."





Gott schloot Adam un Eva ut  
däm wundaboaren Goaden rut.  
Wiels see jesindicht hauden,  
durwen see nich soo dichtbie  
Gott bliewen, dee daut  
scheene Läwen  
jeef.





Gott muak een flaumendet  
Schwieet toom an doa buten  
hoolen. Gott muak Kjleeda fa  
Adam un Eva von Fal. Von  
wua neem Gott  
daut Fal?



Met de Tiet kjrieejen Adam un Eva Kjinja. De  
ieeschta Sän heet Cain; hee haud een Goaden. De  
tweeda Sän heet Abel, un dee wia een Hoad. Een  
Dach brocht Cain Gott een Jeschenkj von waut en  
sien Goaden jewossen haud. Abel  
brocht von siene baste

Schop aus sien  
Jeschenkj to  
Gott. Gott  
freid sikj to Abel  
siene Gow.



Gott jefoll Cain sien Jeschenkj nich. Dan wort Cain doll. Gott säd, "Wan du daut rajchte deist, woascht du dan nich aunjenomen sennen?"



Cain bleef noch lenja doll. Dan  
een Dach aus see oppe Stap  
wieren, jreep hee Abel un  
schluach am doot.



Gott säd to Cain, "Wua es dien Brooda, Abel?" Cain luach un säd, "Ekj weet nich. Saul ekj no mien Brooda oppaussen?" Gott stroft Cain. Hee neem am sien Launt wajch, un hee must romwaundren.



Cain jinkj dan wajch vom Harn. Hee befried sikj  
met eene Mejal, dee Adam un Eva äare Dochta wia,  
un see hauden eene Famielje. Cain haud  
väl Grootkinja un Uagrootkinja, un  
dee wonderen en eene Staut dee Cain  
aunfunk.



Adam un Eva äare Famielje woss sea.  
To dee Tiet läwden Menschen väl  
lenja aus vondoagschen Dach.



Eva haud noch eenen Sän. See nand am Sett. Eva säd, "Gott haft mie Sett enne Städ Abel jejäft." Sett läwd soo daut Gott daut jefoll.



De Menschen oppe Welt worden emma schlajchta un schlajchta aus mea Menschen läwden. Schliesslich wull Gott de Menschen aulatoop vedoawen un aule Tieren un Väajel. Gott wia daut schod daut hee de Menschen jemoakt haud.



Oba doa wia een Maun, un Gott jefoll daut waut hee deed.





De Maun wia Noah. Noah staumd von Sett siene Famielje; Noah wia een jerajchta Maun un kjeena kunn am beschuljen. Noah lied siene Säns daut see no Gott horchen sullen. Gott haud eenen sea besondren Plon fa Noah!

De Aunfank von de Menschen äa Tru

Eene Jeschicht von en daut Wuat Gottes,  
de Bibel

finjt eenen en

Mose 3-6

"Wan dien Wuat openboat woat,  
jeft daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:  
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

